

Inspector local a traha te bira malo...

Trahandu duro pa resolve caso di Natalee

ORANJESTAD (AAN): Ta mas cu un luna caba un grupo di Recherche local ta trahando extensamente pa resolve caso di e estudiante di Alabama, Natalee Holloway.

E team kende ta encabeza pa Comisario Jan van der Straten, dia y anochi ta kibra cabez, tin diferente tarea stipula pa esnan cu ta forma parti di e team aki.

Fuera tur mainta tin asina yama "briefing" ta worde tene, ta delibera riba resultado di e investigacion. Ta compila dato cu cada di e miembronan di e team por a capta, evidencia cu a bin acerca. Mientras esnan den e caso aki di Natalee, tin presencia di personal di FBI, RST kende ta asisti Recherche nan involvi den e caso.

Fiscal Mayor ta hunga un rol importante ya cu e ta esun cu mester bay tuma decision principal si acaso lo tin di haci listramento (huis zoeking). Tene cuenta cu esnan of esun cu ta sera pa prepara documento ora cu e detenido tin di presenta cerca Huez Comisario.

E asunto di Natalee no ta facil, mas ainda cu a yega na oido di DIARIO cu un di e investigadornan clave den e caso aki a cay afor. Tabata traha aki di inspector Sambo, kende a sinti dolor na su

pecho, su coleganan no a vacila y a recomende pa acudi Hospital, nan unda el a keda interna den Medium-Care mesora.

DIARIO ta extende palabra di pronto recuperacion pa sr. Inspector Jules Sambo. Aki por constata cu e tarea riba nan schouder no ta facil, e ta trece stress, presion ta subi, ya cu igual cu comunidad nan kier soluciona e caso.

E unico contesta, e unico tip di oro, e unico evidencia... ainda no kier yega riba mesa pa sera e caso aki di Natalee, cu mas cu un luna caba tin no solamente Aruba den tension pero tambe na Merca.

Pero si a listra, a sondea cu aparatonan sofisticada, a bin for di Merca un grupo pa yuda nos hendenan local en masa a subi caya pa nan tambe duna un man pa busca e mucha muher Mericano. Fuera di esey a haci uso di Kustwacht, Warda nos Costa, Search & Rescue Foundation cu a usa nan boto special, avioneta, helicopter di polis, helicopter di marina cu apartonan ultra moderno abordo.

Awor for di Hulanda tres F16 a yega mientras tanto y pa dos dia caba a bula riba nos Isla pa sondea. Hasta cacho special a bin, pero cu tur e materialnan aki ningun

pista di Natalee.

E plachi te na e momentonan aki ta costando comunidad den varios miyones.

Ademas tin cierto

medionan den exterior ta distorciona e noticia, y haciendo daño na imagen nos Isla, pa cual a laga grupo local pa contra aresta esaki.

Enfin finalmente te dia di

awe nada concreto y investigadornan no ta entrega nan ta buscando keto bay cu alma y cuerpo pa solucion e caso aki cu lo bay den historia Arubano.